

Gegenbericht auff
D. Pseffingers vnd der Adia-
phoristen gesuchte glosen vber ihr
Leipztigisch Incerim / mit
einer trewen warnung
an alle Chri-
sten.

Durch Nicolaum Gallum Antiadiapho-
risten/Pfarrhern zu S. Ulrich der alten
Stadt Magdeburgk.

1. Thess. 5.

Den Geist dempfet nicht/ Die weissagung
verachtet nicht/ Prüfet aber alles/
vnd das gute behaltet.

Gedruckt zu Magdeburgk durch Micha-
el Lotther/ Anno 1550. den er-
sten tag Nouembris.

Ich ruff zu dem **HEKKE** in meiner
Not/Vnd er erhöret mich.

HEKKE/errette meine Seele von den Lü-
genmeulern/Vnd von den falschen Zun-
gen. (von den gleisnern.)

Was kan dir die falsche Zunge thun? Vnd
was kan sie ausrichten?

Sie ist wie scharffe Pfeile eines Star-
cken/Wie Fewr in Wachholdern.

Wehe mir/das ich ein frembding bin vn-
ter Mesech/Ich mus wonen vnter den
hütten Kedar.

Es wird meiner Seelen lang zu wonen/
bei denen/ die den Frieden hassen.

Ich halte Friede/Aber wenn ich rede /so
fahen sie Krieg an.

S hat D. Pseffinger aber
mahls ein Buch / welchs für einem
ihre schon gestellet sein sol / doch stzt
allererst im druck lassen ausgehen/
vngezweiffelt der Christlichen mei-
nung/weil der Landtag im Eurfürstenthumb
Sachsen also nahend/vnd wir allhie zu Wag-
deburg / vber der reinen freyen bekenntnis
Christi / von den ihren mit Kriegs gewalt be-
lagert sind/ Das die Adiaphoristen verhoffen
ihr Leiptzisch Interim durch diese gelegen-
heit/nu dester bas durchzubringen / vnd wir
zuuorn auff ihr geferbt falsch dargeben / Kei-
nen gegenbericht vnnnd fernere warnung thun
kündten/das es auch mit vnns / durch diesen
ihren Krieg fast am ende sein würde. So fer-
ne ist nu noch mit ihnen dauon/das sie ihres
radts vñ handlung/ damit sie ihren Fürstē vñ
lant schafft/ja die gantze Kirche schier/ in greu-
liche absal abgötterey vñ ergernis wie Aaron
verfürt habē/ rechtschaffene busse theten/das
sie denselben radt vnd handlung des Leiptzigi-
schē Interims/zu welchē sich zuuorn niemant
vnter ihn bekennen wolte / Im newen Buch
numahls durchaus anfaben zuverteidigen/
vnnnd dran zum aller Christlichsten wollen ge-
than haben / Sich auch mit ihnen im Buch
darfür ansehen lest / als wolten sie das Aug-
spurgisch Interim darzu gern beschonen /
odder doch nicht dafür gehalten sein / das sie

sonderlich darwider weren/vnnd andere Leut.
davon abhielten / verdammen vnns dagegen
auffs aller greulichst / darumb das wir der
warheit/mit zeugnis Göttlichs worts/wider
Ihr Leiptzigisch Interim beigestanden / auch
fast widder das Augspurgische/ihres bedün-
ckens / weit zu viel gehandelt haben. Spre-
chen vns derhalben gleich ein vrteil / die gött-
gen Väter / vnnd wie sie zuuorn durch ihren
sententz/die trewen Prediger zu Zorga/vnnd
etlicher ander ort verlagt haben / also sind sie
an vns allbereit für Got vñ für der Welt gantz
mörder worden. Den so wir dermassen teuffe-
liche/auffrührische/lesterische/arge leute sind/
wie sie vnns beschuldigen/ So haben wir den
tod wol verdienet/dem wir auch ihrem starckē
glaubē nach/den sie habē/auffs Keisers/ihres
Fürsten / vñ anderer vnser verfolger macht vñ
betrug/schwerlich entgehen sollen/Vnd mus
an ihnen auch also erfüllet werden/der spruch
Christi. Qui non est mecum, contra me est, Wer ni-
cht mit Christo leiden wil/ der mus auch zu-
letzt sein verfolger werden. Gott helffe ihnen
ymb Christi Ihesu willen/das sie mit dem lie-
ben David bald sagen mögen/ Psalm. 32. Da
ich meine Sünde wolt verschweigen / ver-
schmachten meine gebeine / durch mein teg-
lich heulen / Denn deine hand war tag vnnd
nacht schwer auff mir / das mein safft ver-
trocknete/ wie es im sommer durre wird/Ge-
la. Darumb bekenne ich meine Sünde / vnd
verhele

verhele meine missethat nicht / Ich sprach /
Ich wil dem Herrn meine vbertretung bekens
nen / da vergabest du mir die missethat meiner
Sünde / Sela. Es ist ja nichts neues / das
grosse Leute / grosse schwere selt thun / als Aa
ron / David / Petrus / auff das jederman Gott
fürchten lerne / An ist rhumlich wider auffste
hen / auch allen Sündern tröstlich / Wie Pau
lus dermassen sein eigen Exempel anzeucht. 1.
Thimo. 1.

Wiewol ich nu weis / aus der Lere des
heiligen Petri / das mir / noch keinem Christen
gehöret / in ein frembd ampt zu greiffen / viel
weniger in einer frembden herrschafft / so wil
mir doch nicht allein geziemen / Sondern ich
erkenne michs für Got durch sein gebot schül
dig / so viel vnd so lange ich kan / seiner Gött
lichen warheit widder alle vnwarheit vnd
verführung der Seelen / zeugnis zu geben / vnd
damit meinem negsten durch die Liebe zu die
nen. Demnach weil ich befinde aus dem ne
wen fürgebrachten Buch D. Pseffingers / das
die Adiaphoristen mit ihrem vnchristlichen
fürnemen gedenccken fortzudringen / vnd
gleich itzt die sachen ins werck zu richten / das
Buch auch an ihm selbst mit farben geschmü
ckt / das dadurch viel möchten eingefürt wer
den / So habe ich / so viel mir in dieser grossen
eile immer möglich gewesen / dennoch mit die
sem meinem kurtzen gegenbericht / für alle
Christen / sonderlich für die versamlung der
Christ

Christlichen Landtschafft / itzt ghen Zorn
auch kommen wollen / ob daran schon den
Theologen kleiner gefalle gescheen wirdt.
Wil derhalben alle vngegründte beschwerli-
che aufflagen / beyde vnser handlung widder
die Adiaphora / vnd vnser person betreffend /
itz gemeiner nutzbarer sachen halben hie vor-
vber passiren lassen / Darauff sonst Illyricus
seins theils etliche antwort geben wirdt. Vnd
wil allein hie setzen vier kurtze wolgegründte
hypothesen oder regeln / widder vorstehende
enderung vnnnd beschonung des Leiptzigschen
Interims. Daraus ferner bald der vngrundt
offt gemeltes Buchs vnd handlung wirdt zu
sehen sein / Desgleichen was in dieser sachen
von Mitteldingen / aller Christlichen Stende
erbieten legen Key. May. sein mag / wie ich
denn solchs auffs kurtzest mit anzuhengen
willens. Auch ferner fürhabens vnd erbötig /
so viel ich für diesem vnserm obliegenden jam-
mer / vnnnd andern nötigen wercken meins be-
ruffs mehr darzu kommen kan / gedachte vnd
baldt nachfolgende vier hypothesen durch ein-
sonderlichs Büchlein zu gründen / vnnnd zu er-
klaren / mit vorleibter Kleinen ablenung der
falschen lesterlichen zulagen / inn D. Pseffin-
gers Buche begriffen / widder meine person /
so viel das der sachen nötig / vnd nicht weiter.
Denn ich in dem lieber zu wenig / denn auch
mein gebürlich recht thun wil.

Hirauff wolle nu ein jeder Christ / zu for-
derst

derst jetzt die versamlte Christliche Landschafft / sampt ihrem Fürsten / so ehr auch from sein / vnd busse thun wolt (welchs ich ihm von hertzen wünsche) gedachte vier hypothesen mit anhangenden puncten treulich behertzigen / In dieser aller höchwichtigsten sachen / Gottes ehre / ihre vnnnd ihrer nachkommen / auch viel tausent anderer Christen / die itzt alle auff sie sehen / ewige seeligkeit betreffend / darin ihrer Theologen radt vnd handlung / als ein verleugnunge Christi vnd abgötterey / von vnns dargethan wirdt / grundt gegen grundt aus Gottes wort halten / vnnnd auffseleissigst mit Gottes fürchten erwegen / beide teil prűffen / nach der vermanung des Apostels / vnd das gute behalten. Wollen sich zu diesem Christlichen vrteil nicht irren lassen einigerley präiudicia / damit wir / aber doch Gott lob mit vnwarheit / von ihren Theologen vnnnd sonst beschweret werden / das sie auch hochberűmbte / gelerte / wolberette Kenner sind / Wir geringe / jung / vnd ihre Schüler. Es mag Gott noch wol einem Schüler ein warheit verleihen / für seinem Meister / sintemal er sonst wolgefallen hat / den vnműndigen zu offenbaren in seinem reich / das er den weisen verbirgt / wie Christus spricht / Matthei 10. Vnd aus dem munde der vnműndigen vnnnd seuglingen ihm lob zuzurichten / Psalmo. 8. Matth. 21. Aber solchs / wie gesagt / stehe auff der probe Göttlichs worts / vnnnd auff einem Christlichen vrteil nach demselben wort.

Hienach

Hienach folgen die vier Hypothesen/regeln vnnnd gründe/warumb das Leipzisch Interim vnchristlich vñ verdamlich / vnnnd seine glosen nicht können stat haben.

1. Es ist vnd bleibt grosse schreckliche sünd de wider den glauben vnd wider die liebe des Nächstē / solche vergleichung der Lere vnd Ceremonien zu stellen vnd anzunemen / zwischen Christi vnd des Antichristi Kirchen / das bei derlei widerwertiger verstand daraus kan nach den worten vnd wercken genomen werden / vnd beide teil / die doch im verstand zum höchsten widereinander / darüber zu frieden sein / Wie solchs im Leipzigsche Interim geschehen / vnd ist die Wittenbergischen vnnnd Leipzigschen Theologen ihres verstands erklerung dem Euangelio gemes / drüber geben / Die Bischöffe aber / welchen die Meisnische Christliche Kirchen drauff solten vnterwörfig gemacht werden / ihren verstand auch gegeben haben noch in werender handlung vor dem Beschlus (wie sie ihn nennen) vnd so sie darumb gefragt / gewislich weiter also geben werden / das sich dieselbige form des Leipzigschen Interims aller ding mit dem Augspurgischen Interim vergleichen sol / Vnnnd sie der Theologen vnnnd Landtschafft verstand dahin gerichtet /

gerichtet / gleich als fürbekand angenommen haben / wie solchs die ergangne handlungen vnd schrifften vnleugbar m̃ bringen.

2. Nach dem das Bapstumb für des Antichrists Reich bei vns durch Gottes wort erkleret vnd gehalten wird / so ist's für G. D. ein ware verleugung vñ abgötterey / sich oder andere demselbigen vnd seinen Bischoffen nicht allein vnterwerffen inn Religions sachen / sondern auch ichtes das aller wenigste / das inn den Kirchen Christi / vmb des Antichrists willen gefallen / vmb seinen willen aus noth widder auffrichten. Wie denn itzt alle enderung des Leipztzischē Interims von wegen des Augspurgischen / von den Weisnitschē Christlichen Kirchen wirdt gefordert / Das Augspurgische vmb's Bapstumb's willen / Das Bapstumb aber vmb's Teuffels willen / Welchem mit allen diesen enderungen dieser zeit vñnd gelegenheit eigentlich vñnd warhafftig wirdt gedienet.

3. Wiewol ein jede Christliche Obrigkeit für Gott schuldig ist / reine rechtschaffene lere vnd kirchenordnung helffen zu fördern vñnd zu hand haben / jedoch so wenig als eins Bischoffs odder Predigers ampt ist / selbs eigne lere fürzuschreiben odder auch zwingende gebot Menschlicher satzung zu machen / eben so wenig ist's auch der weltlichen Obrigkeit / Fürsten / König oder Keyser ampt / form der lere vñ Ceremonien in Kirchen selbs zu stellē / Viel
weniger

weniger dieselbigen aus Prafft ihres Ampts
zugebieten/einiger vrsachen halben/zuvoraus
aber kan noch mas solchs geschehen weder
von Geistlicher vnd Weltlicher Obrigkeit/
gleichförmigkeit inn Ceremonien mit den ver/
folgern warer lere noch kirchen anzurichten/
Welches alles itzt von weltlichen Herrn vnd
von Theologen also geschicht/vnnd fügenes
men wird / durch beiderley Interim / das
Augsburgische vnd das Leiptzigsche.

4. Die Christliche freiheit inn Menschen
satzungen wird verloren mit schmach vnd
verlust des verdiensts Christi / nicht allein
durch annemen / sondern auch durch auffles
sen Menschlicher Gebot / der meinung/das
man die gewissen damit fange/sünde vnd ver/
dienst mache/ da Gott inn seinem Wort keine
haben wil. Item es hat Christus dieselbige
freiheit gegeben vnd selbs gebraucht in wer
cken Menschlicher satzung / damit zu thun
oder zu lassen/ zu dienst der schwachen / vnd
nicht der haltstarrigen vnd verstockten verfolg
er/zur erbauung seiner kirchen/ vnd nicht zu
zerstörung. Itzt aber/ob wir gleich nicht ver
meinen des Interims Ceremonien anzuneh
men / als verbindlich in gewissen / so werden
sie aber doch im Interim der meinung vns
auferlegt vnd erfordert / das wir mit solcher
widerauffrichtung der gefallenen Ceremoni
en / für Gott ein gut werck thun / vñ vns schuld
dig geben sollen einer grossen begangenen
sünde

sünde / damit das wir dieselbigen zuvor ha-
ben fallen lassen / etliche werden erfordert/
nicht allein als Menschen satzungen/sondern
auch als ordnung vnd gebot Gottes. Vnd ist
das alwege also gewesen die meinung D.
Martini/vnd kein andere/ so offit er sich erbo-
ten in Adiaphoris den Papisten zu weichen/
ist auch die meinung seiner antwort inn D.
Pfeffingers Buche / auff die frage / So die
heubtsachen spennig blieben / das er für sein
teil erbötig/alle Adiaphora vmb friedena wil-
len von den Papisten anzunemen / so fern sie
ihm sein gewissen damit nicht beschwereten/
das ist / Adiaphora sein vnd bleiben lieffen.
Das istwarlich itzt mit dem Interim die mei-
nung nichts vberal/ Das lasse man den Keiser
selbs / vnnnd alle des widerteils Reichstende
ausfagen. Zu dem wird denselbigen als feins-
den vnd verfolgern des Euangelij Christi inn
vnsern Kirchē damit hofiret/ das sie dardurch
nuhr dester verstockter werden/ vnnnd mit den
lehr Artickeln auch gewaltiger auff vns drin-
gen vnd lestern. Vnsere Kirchen aber werden
mit solchen Ceremonien wider ihren willen/
zum hefftigsten beschweret/geirgert/ vnd viel
vmbgestoffen der jenigē/so bei vns als schwa-
che Christen gewesen / oder noch bald betten
von andern herzu komen mögen / Wie solchs
des Polnischen Reichstages handlungen / in
neulicheit geschehen / auch abzuuel auswel-
fen.

Diss sind meine vier gründe / welche ich
hiemit widerumb wil gelegt haben / wider die
Adiaphoristen vnd handlung ihres Leipztig/
schen Interims / allen Christen / vñ zu förderst
den Landstenden des Churfürstenthumbs
Sachsen / denen solche handlung itzt zum ers
ten angemutet wird / fleissig zubetrachten.

Daraus menniglich zuuernemen / erst
lich / das wir ja nicht ohne grund Göttlichs
worts / aus lauterem neid / bitterem / auffrür/
schen gemüet / vom Teuffel angetrieben / vnd
mit fürsetzlichen Calumnien von diesem han
del bissher gered vnd geschrieben haben / wie
D. Pfeffinger vnd sein Buch vns wol Calum
niren vnd lestern / ja Calumniren vnnd lestern
Gottes Wort selbs / welchs wir ihn je vnd als
wege / einfeltig vnd klar opponirt haben. Aus
wasserlei Geist solches von ihnen geschicht /
mögen sie selbs auch wol zu sehen.

2. Das es nicht vmb geringe vnnötige sachs
en zuthun sey / sondern vmb die gantze Christ
liche lere / verleugung GÖttes / Abgötterey /
grewliche ergerniss des Negsten / vnnd man
cherley vngheorsam wider Gott. Nu ist ein ier
der Christ schuldig auch zu leiden / Weib/
Kind / haus / hoff / gütter / endlich sein leben zu
verlassen / ehe er sich zu einiger Sünde dringen
lasse / Viel mehr ist er schuldig solches alles zu
leiden vmb ein jedes gebot Gottes / vnd Art/
ckel der lere / vnd noch mehr schuldig zu leiden
vmb alle Artickel / welche durchs Leipztigsche
Interim

Interim nicht allein denen / die es annemen/
vnnutz werden zu ihrer seligkeit / sondern auch
inn gewisse gefahr gesetzt / das sie beide ihnen
vnd andern / gegenwertigen vnd nachkommen
den / gantz odder zu mehrern teil verfelscht
werden.

3. So sind dis ja solche vrsachen / dar
umb wir mit vnser zeugniss vnd bekenntnis vns
aufflenen mögen vnd sollen / nicht wider Pres
ceptores allein / sondern auch wider Schwester
vnd brüder / wider Vater vnd Mutter / wie ge
schrieben stehet. So jemand zu mir kumpt/
vnd hasset nicht Vater vnd Mutter / etc. Der
kan nicht mein Jünger sein. Nicht das man
den Eltern sol fleischlicher weise feind sein/
sondern sie so weit nicht ansehen / das man
ihrenthalben vnterlasse was Gottes ehre / vnd
vnser bekenntnis erfordert.

4. Erscheinet aus obuermelten gründen /
mit was warheit / vnns die Adiaphoristen zu
messen / wir verwerffen alle nützliche Ceremo
nien / so vnter dem Babst gewesen / machen
neutralia damnabilia / haben lust zu vnord
nung / mügen keine gleichformigkeit leiden/
verstehē nicht doctrinam libertatis / wie wirs
denn leren köndten? etc. Dieser dinge hoffe
ich / werden sie keins schliessen können aus
dem / da wir aus ihrer eigen lehr widder sie
streiten. Adiaphora in casu confessionis, necessita
tis & scandali, exuere naturam Adiaphororum, das
ist / im fall / so durch mittel Ceremonien das
W iij bekenns

bekentnis gesucht wird / zwang vnd ergeris
inn der Kirchen damit angericht / das sie als
denn nicht mehr für mittel ding zuachten.

f. Erscheinet weiter aus vorigen gründen/
welch erbieten der Ceremonien halben gegen
Key. May. Christlich odder vnchristlich sey/
Irtz so die Key. May. wolt fallen lassen / erst-
lich das starcke geboth inn der vorrede / des
Augsburgischen Interims vorleibet / nemlich
das die Stende der Augspurgischen Confes-
sion sich mit den andern Bepstischen Sten-
den in der Religion aller ding vrgleichen sol-
len / odder aber / doch bis Interim gantz / halb
oder etwas daruon / bis auffs Concilium aus
not halten / zum Bapstumb damit zuzulenden.
Item / so sein Ma. wolt das ander gebot auch
fallen lassen vom Tridentischen Concilio / sich
desselben beschlus zuunterwerffen / Wie es
denn allbereit hat angefangen vnser Lehr vnd
Kirchen zuuerdammen / Erböte sich aber zu
erörterung der Religions sachen / wie dasselbi-
ge allwege gesucht ist / ein gemein / frey / Christ-
lich Concilium zugeben / oder aber / diese Sten-
de vnnnd wer mehr herzu wolte / bey gedachter
Augsburgischen Confession / vnbedrungen frey
bleiben zu lassen. Auff solchen fall mügen
sich diese Stende in aller vnterthenigkeit ver-
nemen lassen / das ihres theils Superintendenten /
Pfarrhern vnd Prediger sich vngendötiget
sollen vnd werden in mitteldingen / vmb frie-
dens / ordnung / zucht vnnnd gleichförmigkeit
willen /

2. hands von:
f. 1. m. 1. a
achap. 1. w. 1. a

willen/möglicher nützlicher Ceremonien ver-
gleichen. Ein solch erbieten ist alwege gewes-
sen D. Martini / in allen seinen schrifftten vnd
hendeln von Ceremonien / Auch der Christli-
chen Stende in der Confession zu Augspurg
vnd hernacher. Ist etwas jemals mehr von
jemandis hierin erboten worden / das ist vns
recht / Wie denn jtz vnser Adiaphoristen rath
vnd handlung weit weit anders / vnd derhal-
ben vnchristlich ist / damit sie ihren Fürsten/
Landschafft/vnnd viel andere Christen in ver-
leugung / Abgötterey vnnd schwere ergernis
hart verführet haben / vnnd noch on auffhören
wollen verfahren. Wenn sich die Papisten mit
vns etwas verglichen in der lere / vnd singen
an darin neher zu vns zutretten/das hoffnung
were sie zugewinnen / so were dis abermals
auch ein ursache/warumb man in vielen Ceres-
monien weichen / vnnd wol in höhern dingen
gedult mit ihn tragen köndte / wie es ein sol-
chs ansehen zu Regenspurg hatte/da etlicher
artickel der lehre vergleichung also gemacht
ward / im ersten colloquio / das sie dem Euang-
gelio vnd vnser predigt gemess waren.

Weil dieser dreier sachen jtz noch keine
muth Key. May. vnnd den Papisten fur der
Handt ist / so ist nun der negeste radt aus Worts
tes wort / mit allen enderungen auffis Inter-
rim nur inne gehalten / lere vnnd Ceremonien
in des beyinander gelassen / Christum in beiden
frey bekennet vnnd geliden was GOTT haben
wil /

will/was durch ordenliche Christliche mittel
nicht mag abgelenet werden / Ist Key. May.
des fürhabens/vnnd Gott ihm so viel hengen
wil / vnser heilige Religion inn diesen Landen
mit dem Schwerd zuuertilgen / so wird ers
warlich vmb vnser Adiaphora willen nicht
lassen. Wir aber thun in des mit solchen ver
meintē Adiaphoris grosse sünde / sitzen gleich
zwischen zweien stülen nider / erzürnen Gott/
vnd thun dem Keyser auch damit kein genüge/
Wil aber auch G. D. & durch vnser beständig
keit/vnnd freye reine bekentnis die Kirche inn
diesen Landen lassen vntergehen / so sind wir
doch daran vnschuldig / wir haben gethan
was er vns hierin zu thun befolhen hat. Ich
bin aber gewis / das durch bekentnis vnd lei
den der Christen/die Kirche nicht allein nicht
abe/sondern zu nimpt/ Wie auch Tertullia
nus sein spricht. Sanguine piorum rigari Ecclesi
am. Das derhalben wir vermainen / der Kir
chen mit weichen vnnd weis nicht mith was
linderung zu helffen / ist zum teil die Sünde
Menschlicher weisheit/dauon D. Martinus
heiliger gedechtnis offit saget/das wir wollen
selbs Gott sein/vnd an seine stadt die Kirchen
regiren/zum teil istz auch eine furcht. Wie
wol ich nu D. Pfeffinger vnd alle Adiaphor
risten / ihr gewissen vnd stercke für sich haben
lasse/ so weis ich doch / das ich diese sache wi
der die Adiaphora mit so gutem gewissen han
dele / als sie die ihre / verhoffe auch mit bes
serm

fern gewiffen/ weil ich felbs vnd andere mehr
gegenwertig gehört haben/ etliche deshalb
vbers gewiffen klagen. Von meiner fterke
weis ich nichts zu rhümen/ allein bit ich Gott
tiglich mit demütigem hertzen / das er mir
fienck gebe/ fo es von nöten/ mit folchem ge
wiffen vber diefer vnnötigen fachen / wie fie
von ihnen geacht wird/ beftendiglich den tod
zu leiden/ vnd dem Antichrift wider Chriftum
vnd feine Kirche in nichte zu weichen/ Amen.

¶ Zum befehlus will ich nu widerumb alle
Chriften/ vnd jetz zu forderft oftgedachte ver
famlete Landfchafft des Churfürstenthumbs
Sachfen/ vmb Gottes willen ermanet vnd ge
beten haben/ ob ermelte vier gründe / wider
das Leipztzigfche Interim / feine fchutzherrn
vnd forderer/ aus Gottes wort fleifsig zu prü
fen vnd zuerwegen. Denn fo diefelbigen vier
gründe ftehen/ wie ich hoffe/ vnd inn meinem
andern büchlein/ wils Gott/ weiter ausgefü
ret fol werden / So folget ferner draus (wel
ches warlich hoch zu betrachten) das den je
nigen die das Leipztzigfche Interim also anneh
men/ vnd der fachen fonderlich fo oft berich
tet/ vnd gewarnet fein/ das Euangelium vnd
Sacramenta / wenn fie die gleich reine behal
ten/ zu ihrer feligfeit nicht nütze fein. Denn
wie dafelbs erwiefen/ fo ftecken fie in verlung
ung/ abgötterey vnd ergernis.

Wie nu einem Ehbrecher/ odder andern
heimlichen oder öffentlichen funder/ Euange
lium/

Kum/Sacramenta/vnd Christus selbs nichts
nütze sind / weil er inn solchen sünden bleibet
vnd nicht busse thut / Also ist auch hie / Vnd
wie die Propheten für Götzen diener urtheil-
ten alle die zu Bethel / Dan / vnd anderenden
eben denselbigen Gottesdienst hielten / der zu
Jerusalem war / vnd den Gott selbs geboten
hatte / also wurden die verwandten des Leip-
tzigischen Interims bey dem reinen Euangelio
vñ rechtem brauch der Sacrament nichts
dester weniger für Gott Abgöttisch sein / aus
ursachen / wie droben gnuß gesagt.

Man mus den Teuffel lassen ein Taufent-
Fenster bleiben / wenn er die Lehr vnd heiligen
Sacrament nicht kan von den leuten gar weg
nemē durch vnterdrückung oder verfelschung /
so kan er ihnen doch also den nutz nemen.

Vnd wie das Leipziger Interim an sich
selbs gestelt ist / so ist verfelschung der Lere be-
reit darinnen / vnd würde bald von ihm selbs
mehr folgen / wenn die Bischöffe sollen kir-
chen diener geben vnd regieren / Ich geschwe-
ge Gottes gerechte straffe vñ solche verwer-
gung / Abgötterey vñ ergermis / welche straffe
gewis nicht wird lang ausbleiben.

Agenda
Haben aber die Adiaphoristen sonst ein
Agenda / wie sie rühmen / welche ganz Christ-
lich / zu guter ordnung / disciplin vñ gleich-
förmigkeit mehr dienlich ist / wolan so for-
men sie mit derselben auff ein anderzeit / al-
lein lassen die Christlichen Kirchen stzē damit

zu frie

zu frieden/ da vom Babst vnd verfolgern auff
solche einfürung der gefallen Ceremonien
gedrungen wird/ zum nachteil der gantzen le-
re/ Wir wollen vns denn vngenötigt in dem/
was gut vnd nützlich ist/ auch mit ihnen gern
vergleichen/ vnnnd andere helfen darzu anhal-
ten. Doch sehe man auch wol zu/ das man
nicht mit zuviel/ vnnnd eben mit Papistischen
Ceremonien/ den nachkomen stricke lege/ wie
abwege Menschen satzung/ vnnnd gut meinen
dem Euangelio schaden gethan haben/ vnnnd
sich die lenge nicht wol miteinander leiden
mögen.

Gott der Vater vnser Herrn Ihesu Chris-
ti/ wolle gnediglich alle Christen/ vnnnd mit
denselbigen itzt die versamlete Landschafften/
durch seinen heiligen Geist/ inn alle warheit/
vnd in ein recht Christlich vrtail leiten/ für al-
lem abfall/ Abgötterey/ ergernis vnnnd verfolg-
ung behüten/ Stercken vñ erhalten/ in einig-
keit des Glaubens/ vnnnd richtiger reiner be-
kenntnis/ Das sie auch in vns/ die wir itzt vmb
solcher bekenntnis willen fürnemlich leiden/

sich der verfolgung Christi nicht teil-

hafftig machen/ sondern diesel-

bige viel mehr abwen-

den helfen/

vnd/ do es von nöten/ vmb

Christi willen auch

mit leiden/

Amen.

